



SLUŽBENE NOVINE

KANTONA SARAJEVO

Godina XIII – Broj
5

Četvrtak, 7. februara 2008. godine
SARAJEVO

ISSN 1512-7052

KANTON SARAJEVO

Vlada Kantona

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 35. Zakona o visokom obrazovanju ("Službene novine Kantona Sarajevo", broj 9/07 - Prečišćeni tekst), Vlada Kantona Sarajevo, na 49. sjednici održanoj 7. februara 2008. godine, donijela je

ODLUKU

O IZMJENAMA I DOPUNAMA ODLUKE O DAVANJU SAGLASNOSTI UNIVERZITETU U SARAJEVU O VISINI PARTICIPACIJE CIJENA USLUGA VISOKOŠKOLSKIH USTANOVA UNIVERZITETA U SARAJEVU

I.

U Odluci o davanju saglasnosti Univerzitetu u Sarajevu o visini participacije cijena usluga visokoškolskih ustanova Univerziteta u Sarajevu ("Službene novine Kantona Sarajevo", br. 17/03 i 32/05), u tač. III i IV riječi: "paralelni nastavni proces", zamjenjuju riječima: "redovni studij čije troškove snose sami studenti".

II.

U tački IV stav 1. alineja 1. mijenja se i glasi:

"- Za studente sa prostora susjednih država nastalih nakon raspada SFRJ visokoškolska ustanova utvrđuje visinu školarine za redovni studij čije troškove snose sami studenti, odnosno vanredni studij, isto kao i za studente iz Bosne i Hercegovine koji pohađaju redovni studij čije troškove snose sami studenti, odnosno vanredni studij, na visokoškolskim ustanovama Univerziteta u Sarajevu."

III.

Iza tačke IV dodaju se tač. IVa i IVb, koje glase:

"IVa.

Studenti sa prostora susjednih država nastalih nakon raspada SFRJ upisivat će i pohađat će redovni studij koji se finansira iz budžeta Kantona Sarajevo, redovni studij čije troškove snose sami studenti i vanredni studij, pod istim finansijskim uvjetima kao i studenti iz Bosne i Hercegovine koji upisuju i pohađaju redovni studij koji se finansira iz budžeta Kantona Sarajevo, redovni studij čije troškove snose sami studenti i vanredni studij, na visokoškolskim ustanovama Univerziteta u Sarajevu.

IVb.

Za studente sa prostora susjednih država nastalih nakon raspada SFRJ koji su upisali redovni studij čije troškove snose sami studenti ili vanredni studij na visokoškolskim ustanovama Univerziteta u Sarajevu u školskoj 2007/2008. godini, visokoškolska ustanova neće utvrđivati i naplaćivati školarinu za ljetni semestar školske 2007/2008. godine, kao za studente strane državljanke, jer imaju isti status kao i studenti iz Bosne i Hercegovine koji su upisali redovni studij čije troškove snose sami studenti ili vanredni studij na visokoškolskim ustanovama Univerziteta u Sarajevu."

IV.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-3236-5/08
7. februara 2008. godine
Sarajevo

Premijer
Samir Silajdžić, s. r.